

明善堂詩集

明善堂詩集卷十六目錄

巳巳

初春雪霽郊行

松

鶴

雪

月

初春四宜齋晝憩

春夕

四宜齋枕上作

晚步四宜齋

寒食雨窻山舍

遊石徑山寺

暮春四宜齋偶興

初秋隨

駕發暢春園恭紀

長山峪卽事

至熱河宿恒王山園月下偶成

行營坐雨遣興

歸途宿密雲

山村同芄野范生夜話

雪意

憇松栢菴同省上人談禪

宿松栢禪林晤耕烟陳子賦贈

冬日讀晴江林師太常集題後二首

踏雪郊行

書齋對雪

寒夜口占

得不字

明善堂詩集卷十六 已巳

初春雪霽郊行

荒林凝宿靄晨色動雙眸殘雪平疇滿輕烟遠岸  
浮溪光隨馬度霽景逐雲流到處欣相賞春風爲  
我留

松

亭亭歲寒姿移向閒庭補濤聲夜半驚清影簾間  
舞獨與梅竹鄰貞心含太古試問蒼髯公可與幽  
人伍

鶴

一聲清唳長氤氲廊間舞躑躅步階除  
翛然刷翎羽伴我自朝昏翱翔棲別圃  
讀罷焚名香戛戛避烟縷

雪

皚皚下廣庭宛然玉龍鬬積素繞光漫  
遍染園中岫寒輕侵戶扉擁爐句初就  
隨風勢飛揚映澈梅枝瘦

月

晴空湧玉輪寒光拂面冷照澈冰雪天清娛忘夜  
永舉杯欲邀之三人共形影高歌興未闌銀漢常  
耿耿

初春四宜齋晝憩

愛此奇石佳亭午松陰靜野鶴似窺人觸目成幽  
境呼童汲清泉風度漏聲永悠然養谷神塵懷一  
時屏

春夕

松鶴閑庭日已斜垂楊烟色襯殘霞一尊坐到更

深後爲看溪邊月印花

四宜齋枕上作

息倦悠然臥竹床遙傳銀漏轉迴廊無端喚醒幽  
齋夢鶴唳一聲清夜長

晚步四宜齋

飯罷步庭除閒倚青松下拂面和風吹境寂似原  
野奇石列參差位置絕清雅吾亦愛山林卽景意  
瀟灑

寒食雨窻山舍



風雨逢寒食山窓將霽天天桃渾欲語嫩柳未成  
烟拂檻巒光罨如茵草色芊就中圖畫似小坐却  
悠然

遊石徑山寺

岌業如來鏡瞻依古道場蟠松滴空翠潭水瀉清  
涼苔蘚侵碑字烟雲臥石梁平生山水癖遐眺倚  
斜陽

暮春四宜齋偶興

流鶯清韻繞芳樹午陰圓遠岸飄紅雨輕風托柳

烟開軒晴晝永覓句逸情偏靜驗忘機趣心安得  
自然

初秋隨

駕發暢春園恭紀

初秋晴旭映龍旗萬騎雲騰望裏移正是

聖皇勤講武巡方盛事紀風詩

雨洗青山 玉仗前黃雲覆隴旦長天西成有兆  
人民喜遙聽華封祝聖年

長山峪卽事

縱目山容詩興豪塞垣秋色透征袍  
竭來徙倚長林下絕礪奔流雨後濤

至熱河宿恒王山園月下偶成

月出東山上名園夕景多  
秋聲振林薄詩思寄巖阿  
只有清光滿其如旅夜何  
步櫺一眺覽涼吹動簾波

行營坐雨遣興

檀廬靜坐雨空濛相對寒山萬樹楓  
一片烟鬟迷獵騎幾重瑞靄繞離宮  
爐香碗茗消閒日索句敲

明善堂詩集

卷之十六

四

詩寄遠鴻風急塞垣秋欲老羈情無限暮雲中

歸途宿密雲

赤縣神臯近寒鴉噪戍樓晴山含夕照碧澗亂溪  
流野寺疎鐘動荒郊夜氣浮歸期應不遠萸菊正  
清秋

山村同芄野范生夜話

寂寂荒村夜高吟興不禁挑燈逢客舍展卷得同  
心曠達懷蘇白雄談辨古今清娛閒坐久蓮漏報  
更深

雪意

日脚癡雲埋雪意迷川谷低  
罨小溪橋遙映田間  
屋行圍原野中恍疑飛滕六  
明朝怯祁寒策馬前  
山麓

憇松栢菴同省上人談禪

衝寒歸馬急踏月叩禪扉  
老樹標三逕香雲繞四  
圍深談知道力妙蘊轉清機  
悟得拈花旨更闌燭  
影微

宿松栢禪林晤耕烟陳子賦贈

良友經時別烟霜歲月更相逢重問訊高論愜平生  
儒術崇稽古騷壇樹令名香林燈火夜懇款有餘情

冬日讀晴江林師太常集題後

太常廿載我儒師珠玉胸羅冰雪姿彩筆傳天飛  
鸞驚高才拔地出蛟螭春秋花月娛清賞山水繁  
華騁妙詞一自夜臺魂夢杳竭來揮涕讀遺詩

月映紗窓梅影芬研尋品格獨超羣雪消蜀棧巴  
江路秋滿淮流楚岫雲壑曰才華歸鳳慧翻瀾議

論飽遺聞殘膏賸馥多沾漑慙愧當年教澤殷

踏雪郊行

紛紛如絮滿山腰積素川巒望裏饒詩思滿懷天  
欲曙衝寒踏雪過溪橋

書齋對雪

一聲響壓窓前竹高下亭臺總玉鋪漫撥爐烟添  
獸炭幽情何異剡溪圖

寒夜口占

得不字

斗室燈窓裏梅花伴案頭一庭殘雪影相映月光

浮燭池宵偏永詩成境轉幽寄言三子清賞似  
儂不



明善堂詩集卷十七目錄

庚午

上元前一日宿園見窓間竹影偶成

園中晚興

春日鶴閒花靜齋偶興

花朝

西窓對雨

西軒午霽同內子茶話

蝶菴偶成柬內子

蜨菴對雨

明善堂詩集

卷之十七

目錄

一

暮春郊外早行

書齋早起

先父王廿週忌辰感賦一律

夏日張監園亭題壁

西郊早行

消夏閒咏二首

病中夜雨遣興二首

雨窓憶宜峯鶴亭韶亭秋岑諸子

病中登樓示內

入直 瀛臺遇韶亭七表弟口占贈之

晚步

寄宜峯秋岑鶴亭韶亭

湖上山樓遠眺

夏日偕內子含輝堂垂釣

初秋雨窻曉望

初秋遊賞西園有作

初秋西軒雨窻全內子晚坐

中秋前雲林書屋偶興

中秋玩月

西軒秋夕

西園秋日偶成八韵示同人

秋夜聞雁

深秋遣懷

月夜登消慮峯

月夜遣懷

冬夜四宜齋偶興

冬日郊外卽景

村晚

旅夜東寄

長至日雪中郊行

雪霽歸途有興

山村曉起

將至都卽所見漫成

再至松栢菴晤省上人

明善堂詩集卷十七 庚午

上元前一日宿園見窓間竹影偶成

紛披竹影橫窓際  
明月今宵憇小園  
此景蕭疎最清絕  
勝他烟火管絃繁

園中晚興

一片湖光映草廬  
雪消青色藹平蕪  
烟含秀嶺春林晚  
猶覺輕寒坐擁爐

春日鶴閒花靜齋偶興

窓明几淨著閒身  
心迹探幽遠俗塵  
人靜鶴窺松

逕曲風輕花舞草堂春半簾晴色凝書幌一片嵐  
光接綉茵自喜愁懷都屏却焚香啜茗足怡神

花朝

花朝逢社日韶景映庭軒草色碧侵徑春風吹滿  
園燕飛尋故壘蝶舞鬧晴暄生意看如許寧惟桃

李繁

西窓對雨

息却機心祇自知窓前閒對雨如絲呼童撥火烹  
茶熟風過瓶花寫硯池

西軒午霽同內子茶話

鶴窺庭畔影如銀  
花滿閒堦香襲人  
更愛雨餘塵不到  
烟鬟如洗望中新

蝶菴偶成東內子

春光明媚草堂前  
斗室端居似坐禪  
數卷圖書欣靜賞  
一庭花柳恰爭妍  
烟廻古鼎香痕細  
漏轉清鐘午韻圓  
此際風晴消萬慮  
會心不覺得空詮

蜨菴對雨

風輕兼雨細  
庭院迥無塵  
飛燕歸巢急  
繁花鬪彩



日詩堂言集 卷之十一 二  
新香清常繞室鶴靜欲窺人萬慮閒窓息莊生蝶  
夢親

暮春郊外早行

野曠星稀露未乾沿堤春水引清湍幾雙輕燕穿  
新柳一塢歸雲罨翠巒待渡士人紛駐馬隔溪舟  
子溯迴瀾經行不覺塵偏淨小隊朝來縱目寬

書齋早起

晨起簾前坐輕鐘報曙初胸無塵外慮案有讀殘  
書鳥韻當窓哢林花帶露舒悠然生趣滿樂意自

如如

先父王廿週忌辰感賦一律

廿年懷念悲何極想像音容有夢知  
風木幾曾埋夙恨梧捲相對繫煩思  
趨承庭訓違顏早繼述前光接武遲  
展謁寢園悽愴切松楸沾灑淚如絲

夏日張監園亭題壁

園亭粉蝶影雙雙輕拂簷牙傍碧窓  
藥圃靜聞香細細菜畦時見水淙淙  
風吹柳岸迎歸騎人叩荆扉起吠龙  
此日晝閒成小憇含毫那便擬如江

西郊早行

不出西郭門不見西山勝  
朝來露氣收一片烟鬟  
淨新蟬咽咽鳴夏木陰  
陰靜拂面輕風來流覽悅  
吾性

消夏閒咏

風過疎簾午漏初  
吾廬高枕愛看書  
日長儘有清幽趣  
藥圃花畦手自鋤  
畫廊深處倚闌干  
小草芳花仔細看  
殘雨忽教虹截去  
清風徐吹覺輕寒

病中夜雨遣興

銀燈吐焰黃昏後藥果茶鐺靜作緣一枕匡牀聽  
夜雨寂寥情況自相憐

嗜好從來在典墳瓣香往哲有知聞庭前點滴芭  
蕉雨牽引愁心到夜分

雨窓憶宜峯鶴亭韶亭秋岑諸子

白雨墮檐前紅榴色映軒千山空黥黥一鳥自飛  
翻涼入梧桐牖風來菽豆原寄言舊朋好何日過  
吾門

病中登樓示內

雨過天初霽微風度小樓凭闌無限思閒咏欲消  
愁嵐氣遙岑歛晴光空際浮登臨一相賞烟景目  
前收

入直 瀛臺遇韶亭七表弟口占贈之

自喜逢人便說詩偶因公暇得心知曲闌小坐凝  
眸處烟鎖晴光太液池

晚步

散屐斜陽下消閒晚飯餘豆花經雨落藥圃喚童

勸境淡從吾好心清得自如  
枳籬三徑曲城市卽  
山居

寄宜峯秋岑鶴亭韶亭

蘭飄香氣竹生孫庭際高梧碧映門  
清景閒中一  
消受半窻風雨近黃昏

湖上山樓遠眺

碧樹圍如冪晴峯列似屏  
藥欄眠粉蝶漁艇鎖烟  
汀卽景意岑寂悠然悅性靈  
凭欄縱目處遠色自  
冥冥

夏日偕內子含輝堂垂釣

把釣風潭上溪山儼畫圖  
遠烟開積雨濃綠滿平蕪  
荇藻含生意濠梁得自娛  
偕遊耽逸趣小立漫踟蹰

初秋雨窓曉望

昨宵一葉報初秋  
曉起秋光竟滿眸  
几靜窓明方暇日  
庭前新溜看浮漚

初秋遊賞西園有作

西軒幽勝似巖阿  
暇日尋遊躡屐過  
籬豆花香蛩

語細新涼風景入秋多

初秋西軒雨窻全內子晚坐

數點西窻雨蛩聲報早秋  
芰荷還泛泛黍稌正油  
油室靜香烟細心閒詩思幽  
開窻共凭處暝色下  
岑樓

中秋前雲林書屋偶興

空堦瑟瑟涼飈起節近中秋  
香滿園水畔蓼花紅  
歷亂簾前蝶翅影翩翩候分  
梧井陰初合溪遶柴  
門日正暄無限清幽堪縱目  
垂垂薜荔映蓬軒



中秋玩月

桂花叢處湧冰輪香滿清光淨點塵祇有吟情娛  
此夕恨無仙樂悅慈親樓臺倒影烟痕細杯棊  
搖金月色新宴罷曲闌閒共玩漏深涼吹襲衣巾

西軒秋夕

纖雲歛高空拂拂金風冷西軒清且幽入夜氣逾  
靜蛩吟秋草根月挂疎桐影悠然證道心萬慮一  
時屏

西園秋日偶成八韻示同人

秋色已平分蟲羽音如訴田禾將登場籬豆尙滿  
圃折花眠蝶驚撫樹馴鶴顧卽景信可娛悠然朝  
復暮况值沈寥天陰雲四野布瑟瑟振商飈垂垂  
飛珠露不覺俗慮忘飯罷時閒步西軒風景佳一  
任流年度

秋夜聞雁

風冷堦閒夜靜初數聲雁唳度吾廬秋光老去關  
河遠一幅瀟湘夜雨圖

深秋遣懷

心情咄咄欲書空閒却風光卅載中今日凭欄秋色老夕陽天外送飛鴻

月夜登消慮峯

月明院宇曠散步陟峯頂清霜夜氣寒披裘不知冷萬籟息囂氛木落風初靜縱目意灑然幽懷寧暫屏

月夜遣懷

霜天明月漏聲初小立中庭興不孤吟思偶來敲短句頓教塵慮一時無

冬夜四宜齋偶興

書卷相依好結巢孤輪湧出挂松梢  
柝聲隱隱飄垣外竹影森森舞檻均  
畫裏溪山隨玩賞樽前風月任逍遙  
烟消榭榭茶初熟得句悠然自解嘲

冬日郊外卽景

楓落荒堤野趣饒郊原冬暖雪痕消  
幾行小隊穿林木一片寒烟斷嶺腰  
衰草黃蕪盤獵騎斜陽古道映歸樵  
肩輿緩處心情愜乘興哦吟過板橋

村晚

明善堂詩集

卷之十七

八

寒鴉棲古木薄暮靄荒原散步茅簷下相看暝色  
昏梵鐘飄野寺山犬吠柴門僕從寥寥者幽懷誰  
與論

旅夜東寄

楫柁煨殘午夜中茶聲沸處火微紅寂寥一榻山  
村裏幾度思君有夢通

長至日雪中郊行

癡雲壓山低朔吹飛滕六緹室動葭灰天心見茅  
屋溪橋少行蹤寒鴉集林木一望絕攀躋何處尋

梅麓

雪霽歸途有興

雪後前山絕點塵  
衝風古道是征人  
凌寒曉發忻幽景  
儼似溪橋畫裏身

山村曉起

曙色凌窓白  
鄰鷄驚夢初  
霜寒凝土砌  
風冷度茅廬  
禮佛看香篆  
安禪味道書  
難辭征路迥  
朝日射籃輿

將至都卽所見漫成

一鞭將次入都門踏過溪山畫裏村岐路平原人  
跡少白頭三五話晴暄

再至松栢菴晤省上人

結契端知有宿因重來非是說風塵祇緣欲解迷  
途意特地招提訊上人

明善堂詩集卷十八目錄

辛未

清明前一日雨窓

初夏

東內子

再東內子

園中早起

芝蘭室雨窓偶興

霽後玩月二首

睡起述懷二首



雨後含輝堂消暑

晚霽

水亭同內子對雨

含輝堂雨霽

圓靈水鏡亭觀景

偶題游魚秋水圖

新秋日晚雨

初秋月夜乘涼

初秋早坐西軒

秋夕眺望

秋日漫興

初冬至西園

題雪上人小照卽用 桂峯廿三叔父韻二

首

雪霽郊行

明善堂詩集卷十八 辛未

清明前一日雨窓

賣餠人過小樓前  
細草蒙茸綠水鮮  
最是禁烟春日  
晚桃花無賴雨連綿

初夏

平隄殘絮拂簾飛  
日午何人欵我扉  
花圃有風搖蝶夢  
藥欄無露染苔衣  
儘堪據石觀澄水  
何事登臯送落暉  
熟讀南華三百遍  
不妨心與俗緣違

東內子

梨花飄院落月影入虛窓渺渺人何遠悠悠意未  
降風輕時撼竹鐘動欲驚龙夜色真無賴敲詩對  
玉缸

再東內子

春晚簾垂玳瑁鈎夕陽西下暮雲浮撫琴誰是知  
心侶倚檻難舒望遠眸枕畔聞鷄驚短夢鏡中理  
髮長新愁襲人芳草情無限直欲分身到玉樓

園中早起

早起心情潔軒開一片涼露凝苔徑潤風過藕花

香宿鳥鳴岩樹眠鷗傍野航遙峯皆拱翠溽暑自  
相忘

芝蘭室雨窓偶興

晝永不知暑溪聲鼓浪微庭前時小立逸興逐雲  
飛

霽後玩月

明月挂松梢照我胸襟徹雲掩忽無光心情何可  
說

清夜絕無塵風細花香靜澄懷仰太空慮少心常

定

睡起述懷

雲在空中月在天清風颯颯水紋旋疎鐘入夢誰  
先覺敲破吾生三十年

曾經覷破塵緣幻無奈塵緣擾一身偶向芳塘看  
鏡水始知雲月有前因

雨後含輝堂消夏

池漲新添兩部蛙清幽直似野人家疎簾冰簟清  
如許開遍堦前秣利花

晚霽

雨歇長空淨  
開襟坐水亭  
魚遊依碧藻  
蛙怒聒新萍  
月隱樓頭樹  
虹垂海外汀  
苔衣生石壁  
一望點深青

水亭同內子對雨

相將小坐水亭空  
十頃湖光一望中  
天外鸛鳴雲漠漠  
溪邊魚戲雨濛濛  
四圍綠暗山間樹  
半畝青搖草上風  
暑退軒窓倍瀟灑  
素心爾我畧相同

含輝堂雨霽

雲歛奇峯入望遙一溪新水漾晴濤不聞老鶴鳴  
邱垤疑有長虹飲石橋苔蘚成茵鋪曲逕松杉帶  
露聳層霄碧空如洗山如浴清簾疎簾暑盡消

圓靈水鏡亭觀景

靜裏得靜緣詮真悟魚鳥魚遊豈戾天鳥飛不在  
沼止水鏡波明遠山眉黛繞坐來月滿亭此境非  
虛渺

偶題游魚秋水圖

魚渚澄鮮接綠蕪柳陰深處釣船孤是誰乘此濠



梁興寫出南華秋水圖

新秋日晚雨

雲疊輕羅溽暑回  
半黃梧葉點蒼苔  
湖亭小立葛衣冷  
颯颯清風帶雨來

初秋月夜乘涼

誰遣寒蟬報早秋  
披襟待月下高樓  
莫愁紈扇輕相棄  
尚有羅帷不肯收  
入夜銀河垂露白  
拂簷螢火逐星流  
一輪朗徹無渣滓  
殘笛聲催綠葉愁

初秋早坐西軒

病餘早起坐西堂  
雨後風來劈面涼  
壓地濕雲飛不去  
草虫聲裏豆花香

秋夕眺望

躡屐不知晚  
西山一望遙  
月華初印水  
鴻影欲凌霄  
秋老寒砧急  
天空長笛飄  
涼風催苦草  
俯仰意寥寥

秋日漫興

空水澄鮮日又曛  
虛堂生爽絕塵氛  
數聲鳴玉窓前竹  
一幅輕羅石上雲  
境寂靜中心自得  
人蕭閒

處意多欣黃庭臨罷觀周易雞舌龍涎取次焚

初冬至西園

風滿園林柿葉稠蘆花萬點撒晴洲鶯藏燕去無  
消息木落山空是舊遊三徑喜存元亮菊卅年不  
貫長卿裘日華印水川容歛景物蕭蕭一望收

題雪上人小照卽用桂峯廿三叔父韵

蓮社風高世莫儔詩情葉韵淡中收破塵結舍平  
林外髣髴當年惠遠流

松掩溪橋滅雪痕佛光龕影認靈源閒來欲寄蒲

日知錄卷之四  
團穩卓錫泉邊別有村

雪霽郊行

朔風罨發摧衰草山遠林疎帶雪痕  
驕馬嘶寒行蹀躞慈雅相送到前村

明善堂詩集卷十九目錄

壬申

悼亡詩三十首

有序

冬日過柳菴僧舍

西軒夜作二首

歲晚同秋岑茶話

明善堂詩集卷十九

壬申

悼亡詩三十首

有序

嗚呼蘭摧蕙折悲伉儷之如新地老天荒  
想音容而莫卽生離死別幻海茫茫鏡破  
釵分情緣縷縷況復高堂暮齒何堪奉  
侍之無人稚子耆齡更嘆瞻依而失恃望  
廬不見涕泗交流遺挂猶存淒涼欲絕魯  
鼓圖存惟半半難尋續命之丹離爻中斷  
竟單單愁縮同心之結哀哉蘭閨晝掩慵

明善堂詩集

卷之十九

一

題感舊之詩鸞鏡塵封怕見聯吟之管昔  
傳王霸貧須婦以解寬載考維摩病藉妻  
而調護吾生命舛中歲絃摧觸景懷人舉  
目有幽明之隔撫今追昔傷心同夢幻之  
過貌類愁潘嬾看寶鏡情同病沈減却腰  
圍溯軼事於當壚莫解文園之渴望巫山  
而作賦誰工宋玉之才卅首悲吟漫效莊  
生曠達數行清淚聊同奉倩神傷世有知  
心當無予責云爾

合歡當日一心同地老天荒恨未窮脉脉此情空  
想像泉臺無路可能通

壺德蘋蘩數女宗慇懃事上下謙恭不知天意因  
何故生折鸞飛獨背儂

寂寥孤影伴幽窻愁見梁間燕一雙亭院深沉風  
色靜心情感觸淚如江

無限淒清祗自知軒窻斜日下遲遲三升濁酒情  
騰後得句猶疑唱和時

潛然涕下對斜暉惟見棲林倦鳥歸一點情癡原



太重自看帶眼減腰圍

髹几來凭讀我書  
心情淑靜自如如  
而今憶起如如性  
無計將愁得破除

惟吾知爾爾知吾  
此日亭亭似鶴孤  
中道棄捐情太忍  
慈帷缺養况嬌雛

風光觸目總淒淒  
遺挂猶存望欲迷  
只有酒尊與詩卷  
閒來伴我日沉西

原思伉儷百年諧  
誰料于今事已乖  
此恨茫茫尋不到  
難窮地角與天涯

心性於今若槁灰襟懷那似昔年開詩成羞見南樓雁嘹唳聲聲韻亦哀

秉姿貞淑性情真奉養高堂十四春讀罷南華齊物論詩禪畫偈倍傷神

變幻無端天際雲緣知寂滅在音聞獨傷泉路歸何急憑仗慈悲默佑君

何忍重窺半畝園料應無術返芳魂漆燈判斷幽明路往事思量眼欲昏

函封喜字昔同歡檢點空閨帶淚看涼月半床塵

共積如痴獨自坐更闌

每見庭前高下山探幽孰與共躋攀閒來憶到同  
歡地空向回廊往復還

嘯歌一室更誰憐無惡於人敢怨天寂歷閨房環  
珮杳生憎開到並頭蓮

五十冰絃瑟不調心情無賴鬢蕭騷中宵一枕蘧  
蘧夢夢裏俄聞促早朝

瞥見窓櫺竹影交沉沉皞日射庭坳誰憐事觸頻  
增感兒女關情淚自拋

塵蹤應自笑勞勞靜聽崖松似浪濤零落當年瀟  
灑意那禁愁緒懶揮毫

若較前因事若何也憐病裏折還磨夜臺此日空  
相憶百感紛來月上多

無聊心緒總如麻歲月空憐赴壑蛇一劍床頭相  
與伴近來愁絕早回衙

九畹芳蘭作意香偏教腸斷見蘭房新愁舊怨誰  
消得欲往從之路阻長

休將短夢話三生高曠應輸往日情朝罷更兼家

事積夜闌愁對短長檠

宵來夢夢晝冥冥  
其辨情懷醉與醒  
憶爾持躬最  
柔淑穠華轉瞬怨飄零

不諧于俗頗宜僧  
今似僧兮又未勝  
倦倚殘編消  
永晝漫將塵夢證  
三乘

形影相依誰與儔  
等閒陳迹似浮漚  
寤言一室淒  
其夜舉案無緣共若酬

夢斷天涯何處尋  
滿腔哀緒爲情深  
孤鴻失侶空  
悲切無復揮絃再鼓琴

說劍題詩過午三情如秋鶴氣如嵐近來拋却新  
題咏好句唯應秘枕函

殘香剩粉並空奩想像音容淚暗添安得返魂人  
復覲幾回愁絕倚虛檐

瑤臺無路達書緘騎省年華鬢欲芟那得相逢重  
話舊空教日日淚盈衫

冬日過柳菴僧舍

雪晴尋徑叩琳宮幾曲幽廊曙色紅欲滌塵心惟  
好靜愛叅佛法漫觀空飛揚野馬窓間影屈曲虬

龍林畔風何日得依山水約芒屨竹杖覓支公

西軒夜作

心如皓月意如雲燈炮閒窻夜色分獨倚西軒情  
悄悄一聲鶴唳靜中聞

斗室圍爐燈色明寒梅破臘歲將更閒來欲問南  
華叟覓取人間曠達情

歲晚同秋岑茶話

徙倚窻前日影移西峯積雪望迷離相知試茗心  
清甚正好拈題歲晚時

明善堂詩集卷二十目錄

癸酉

園中閒感

上元後三日至栢林莊途中作二首

歸途有感

喜接 廿一叔詩和五律一首

春日齋居果王以獸炭見貽賦此奉答

春日感懷適用 廿一叔病中韻

春遊雜興四首

西軒有感二首



雨窓卽事

紙鳶有製爲鶴形者見而賦之

南苑道中有憶

和題雲集觀葉煉師山房之作

再和訪葉煉師韻

石亭

西域寺

小憇

明功臣墓

水亭

賦得小窻和雨夢梨花

吟花下

晚坐寄友

初夏小飲湖畔

露坐寄友人

和益庵春城韻

園中消夏四首

薊門道中

園居書懷索友人和

雨窻感逝三首

亡內週忌感賦

園中書事二首

七夕有感

雨中漫作

初秋西軒對雨

早起見雨不止偶成

秋日登土岡極目有感

仲秋書懷

秋日卽景二首

雨窓憶秋岑

登小坡極目

杪秋西軒寫懷二首

西齋偶興寄友人

雨夜夢亡丙

園中書懷柬友二首

讀尤悔菴哀絃集志感

盆梅

淶水新阡葬亡內事葢歸耶詩以志感

明善堂詩集卷二十 癸酉

園中間感

舉目蕭蕭復至園  
林嵐拱峭總消魂  
同來唱和人何在  
獨坐東風漠漠言

上元後三日至栢林莊途中作

肩輿返踏西園路  
落日疎林古道行  
景趣不堪回首處  
風光猶似昔年情

底事衷腸淚暗淋  
當前景物怕沉吟  
關心非是痴情重  
十四年來知我深

歸途有感

蕭蕭古道行猶似昔年境  
感我素同心舉目皆如  
病情傷祗自憐心懷獨耿耿  
更近薊門時落日西  
山影

喜接 廿一叔詩和五律一首

喜接瑤華句春庭落日陰  
長城五字在風雅廿年  
深幸得逢青眼因之愜素心  
幾回雜誦處簾外漏  
沉沉

春日齋居果王以獸炭見貽賦此奉答

晝永齋居候幽窻日上遲雪殘明遠岫風暖漾晴  
絲俄報傳芳訊相看慰所思金猊忻撥火靜對咏  
新詩

春日感懷適用 廿一叔病中韵

芳塘又見柳三眠對景真同離恨天秀接遙岑呈  
遠黛晴舒大陌鎖沉烟人如沈宋愁多病情共曹  
徐喜續篇獨坐西窻渾不語那堪回首憶當年

春遊雜興

一林小隊踏林臯裊裊東風遠市囂吟興春來猶



未減鶯花相對喜揮毫

閒尋阡陌路迢迢無限吟情未易消帶雪晴峯浮  
玉宇疎林鴉點映溪橋

一片巒光接白雲西山勝境足怡神携尊更踏經  
行地倚遍闌干憶故人

拂面輕寒縷縷風寺幽人靜不聞鐘枝頭好鳥迎  
人語獨倚蒼松對碧峯

西軒有感

獨坐西軒消晝永心情悵鬱負芳辰最憐光景常

如昔花落花開不見人

寂寂庭階長碧蕪無端淚湧濕鮫珠飄零香粉歸  
黃土何忍還看舊藥爐

雨窓卽事

霏微小雨密如烟正是輕寒二月天閒坐西窓人  
意倦含情無語憶常年

紙鳶有製爲鶴形者見而賦之

不礙長空萬里晴雲中仙翮足娛情乍看似報孤  
山客一縷風牽任送迎

南苑道中有憶

夕陽官道柳絲絲，漫舞風前蕩漾遲。  
村舍溪橋渾似舊，那禁振觸昔年思。

和題雲集觀葉煉師山房之作

黃冠野服足盤桓，大隱寧誇九轉丹。  
石室自饒山水勝，匏尊應耐雪霜寒。  
不生白髮緣龜息，煮就丹砂伴鶴餐。  
屏却塵心仙宇靜，春深芝采晒庭闌。

再和訪葉煉師韻

轉眼風光已判年，元都重踏景依然。  
暖浮野陌侵

歸騎晴入遙村映暮烟烘屋桃花寧有約纖春柳  
線漫隨緣九還一粒成猶未應識心期月共圓

石亭

山水緣曾我夙諳望中一幅小江南躋攀未得窮  
幽勝層疊嵐光小駐驂

西域寺

乘興精藍杖策遊山光蒼翠水悠悠風旛觸目叅  
微旨更有吟情對碧流

小憩

遠近嵐光翠欲浮  
片時小憩嶺雲頭  
村田桃柳溪橋路  
霽景從教一望收

明功臣墓

遊遍芳春又暮春  
我來別薜讀碑文  
曾從勝國扶王業  
百戰勲勞亦伴塵

水亭

怯見東風媚柳絲  
亭空猶憶昔年時  
情同泉水流無盡  
意逐春光恨却遲  
着眼不堪頻寂寂  
驚心只合付嘻嘻  
年來非更誇才調  
滿抱愁懷祇賦詩

賦得小窓和雨夢梨花

困人天氣春殘候一枕窓間伴雨聲  
夢裏梨花开雪處更無人解此中情

吟花下

小坐庭隅花未闌柳迴風媚怯春殘  
忘情懶見雙棲鳥無限愁懷祇自寬

晚坐寄友

晚坐魚磯上幽懷似水清春風吹袂薄  
遠岫隔窓平縠皺波搖漾腰纖柳送迎  
郊園饒野興得句寄

神京

初夏小飲湖畔

湖畔風清景色饒  
紛飛柳絮坐間飄  
誰憐瘦影同  
饑鶴每有孤吟似  
露蛸拂檻嶺雲生  
片片穿簾銅  
漏隱迢迢舊遊是  
處成陳迹無計尊  
前慰寂寥

露坐寄友人

月挂柳梢頭  
蓮淨黃昏後  
清風林壑生  
襲我衣衫  
袖撫景憶昔年  
轉盼雲歸岫  
默坐自懷人  
幾度三  
秋又

和益庵春城韵

松篁風過帶輕寒  
拂檻晴光滴翠鬟  
無限吟情消未得  
携童散步小園山

園中消夏四首

朝罷渾無事  
濃陰綠繞廬  
欲消清晝永  
唯讀數行書

是處鶯聲轉  
輕風颺柳絲  
軒窓深窈窕  
難忘昔年思

嵐翠時依檻  
蘋風透碧紗  
人間方午睡  
幽逕寂無



譚

踞石閒吟候林深暑不生鶉啼與蝶化莫辨幻中情

薊門道中

陰陰夏木午風清紫翠嵐光螺黛橫猶憶昔年風日好榴丹艾碧迥含情

園居書懷索友人和

山光潑翠水揉藍柳影參差一鏡涵清簾疎簾消晝永此情應已勝江南

雨窓感逝

紛紛絲雨罨橫塘  
午夢初回枕簟涼  
風景朝來還似舊  
一腔愁緒獨徬徨

對景無端舊恨牽  
愁腸哽咽聽新蟬  
流光一載存亡異  
倚徧闌干暗自憐

塵緣轉眼等浮漚  
無計開襟豁遠眸  
雨細風輕清晝永  
不知人世歲方週

亡內週忌感賦

逝水驚心歲已週  
空幃遺挂影還留  
鵲啼剩有三

更恨蝶化長爲萬里遊徒倚虛廊空獨語淒涼往事倍生愁婦容婦德真無忝鴻案雖離十四秋

園中書事

小園慵掃徑三三高樹吟蟬韻獨諳隔斷紅塵知幾許水雲深處結茅庵

雨後山齋乍退炎藤床展處儘安恬荷香瓶際支頤坐靜挹嵐光嬾下簾

七夕有感

過隙光陰歲月流含情無語迥添愁人間最是傷

懷事誰忍空庭看女牛

雨中漫作

簾前瞥見雨如絲  
紅蓼溪頭鶴步遲  
柳葉含風迎畫舫  
苔痕凝綠映青墀  
涼生榻畔堪消暑  
爽入窗間合賦詩  
一片閒愁驅未得  
呼僮漫取酒盈卮

初秋西軒對雨

蛩吟涼砌恍如村  
坐雨無聊靜掩門  
獨對孤燈人意懶  
一聲秋笛伴黃昏

早起見雨不止偶成

晨起簾前坐愁隨秋雨生短籬藏蝶睡高柳聽蟬  
鳴山暗雲爲障堦空潦已平心中無限事撫景暫  
忘情

秋日登土岡極目有感

山色蒼涼接素秋蛩吟四野韵偏幽不堪回首當  
年事舉目蕭條淚暗流

仲秋書懷

蕭瑟西風又仲秋蛩吟斷續暗添愁祇餘書畫憑  
消遣那復琴尊共唱酬天外雲飛行淡淡簾前花

落自悠悠閒來且去登樓望無限蒼涼寄遠眸

秋日卽景

爽氣橫空秋未老涼颺幾陣到堦除西軒獨坐添  
幽興豁我愁懷畫與書

蛩聲唧唧伴閒心秋氣佳時思倍深無限淒清空  
悵望井梧飄處獨耽吟

雨窓憶秋岑

寥寂坐西窓窓外飄秋雨愁隨蛩語長一室誰與  
伍漫憶素心人百里隔烟樹朋好半淪亡有情那

能吐

登小坡

一窓秋思飄疎雨  
劇喜登臨幽趣深  
携杖平坡閒佇立  
烟雲濕壓鳳城林

杪秋西軒寫懷

朝看山色青暮看山色紫  
吟軒坐寂寥有憶何能止

倚檻挹晴嵐舉頭邀素月  
詩酒伴閒身幽情何可說

西齋偶興寄友人

木葉下庭除悠然自結廬閒添琴酒趣嬾覺友朋  
疎風雁過無影秋光靜有餘心旌搖曳處聊寄一  
行書

雨夜夢亡內

宵來短夢初醒後獨擁殘衾百感生況復園中一  
窻雨聲聲和淚到天明

園中書懷柬友

園亭脫木葉獨坐掩霜扉對景情自傷扶童向夕



暉知己半凋謝感舊常心依舉以示良友莫或相  
睽違

寒月照池亭朔風吹衣透柝聲出垣遲竹影篩窓  
瘦遣愁憑尊酒酒醒覺愁又挑燈成短吟聊復當  
邂逅

讀尤悔菴哀絃集志感

篝燈寒夜未成眠往復哀絃詩一編可嘆西堂老  
才子也爲同調足堪憐

盆梅

盆間列梅石石瘦梅不孤饒有山林氣羅浮得似  
無

淶水新阡葬亡內事藏歸邱詩以志感

松楸百里遙相隔回首雲封掩墓門華表鶴歸空  
灑淚泉臺燈燼怯招魂傷心怕見孤飛雁失侶愁  
看交頸鴛此日淒清頻悵望宵深獨坐怨黃昏